



Pou Biblikasyon Imedya: 05/09/2023

GOUVÈNÈ KATHY HOCHUL

**GOUVÈNÈ HOCHUL, MTA, AK MAJISTRA ADAMS DEVVWALE KANPAY JENERAL
POU KONBAT NAVIGASYON SOU METWO**

Kanpay la prezante grafik ak animasyon elèv yo kreye; Siyalizasyon dijital, anons vokal; postè ak bandwòl nan estasyon ak lekòl yo

Patenarya ak platfòm rezo sosyo pou plase PSA yo

Anons odyo etidyan k ap jwe nan estasyon metwo yo disponib [isit la](#)

Videyo anons sèvis publik elèv yo disponib [isit la](#)

Gouvènè Kathy Hochul, Otorite Transpò Metropolitain an (Metropolitan Transportation Authority, MTA) ak Majistra Vil New York, Eric Adams, te devwale jodi a yon nouvo kanpay enfòmasyon publik jeneral atravè plizyè kanal, kont navigasyon nan metwo nan patenarya ak Depatman Polis New York (New York Police Department, NYPD), Lekòl Publik Vil New York yo, ak Depatman Jèn ak Developman Kominotè (Department of Youth & Community Development, DYCD) Vil New York. Nouvo kanpay la sантre epi li fèt pa adolesan Vil New York ki pale – k ap mete vwa jèn yo devan epi nan sant yon efò ant kamarad pou dekoraje konpòtman danjere sa pamì jèn yo.

“Sekirite Nouyòkè yo se premye priyorite mwen,” **Gouvènè Hochul te deklare.** “Atravè patenarya inovan sa, jèn Nouyòkè yo ap aprann dirèkteman de pwofesè ak kamarad yo konsènan danje ekstrèm glisad nan metwo, k ap prezèvè lavi epi anpeche plis trajedi. New York ap kontinye fè tout sa nou kapab pou kenbe jèn nou yo an sekirite nan metwo yo.”

Majistra Eric Adams, te deklare, “Chak lanmò nan naviye sou metwo prive jèn Nouyòkè yo trajikman de avni ki pwomèt yo. Nou pa ka andire yon lòt trajedi nan tren nou yo. Se poutèt sa n ap fè patenarya ak MTA pou yon kanpay inovan pou konsyantize, epi nou te rekrite vrè ekspè rezo sosyo pou ede dirije li: jèn Nouyòkè yo. Jèn moun nou yo konnen pi byen kijan pou atenn kamarad yo epi yo vle ede kenbe zanmi yo an sekirite. N ap asire ke chak jèn Nouyòkè konprann: ‘Naviye sou metwo touye moun – Monte andedan, rete vivan’.”

NYPD ap kontribye nan kanpay la lè li deplwaye ofisyen estasyon sou liy deyò ki eleve yo epi lè yo fè vizit adomisil a jèn yo te obsève ki monte deyò tren yo.

Yo te fè anons kanpay la deyò estasyon metwo **7** 33 St–Rawson St lan – ki se plas yon ensidan trajik nan dat jedi 29 jwen an, kote yon timoun 14 lane te mouri nan Brooklyn apre li te tonbe pandan li t ap eseye monte anlè yon tren **7**. Liy **7** la genyen pi plis ensidan navigasyon sou metwo nan sistèm transpò an komen an.

Prezidan ak Direktè Egzekitif Jeneral MTA, Janno Lieber, te deklare, "Monte deyò yon tren se yon estipidite nan metwo epi sa pa janm fini byen. N ap sipliye paran yo pou pale ak timoun yo, epi pwofesè yo pou pale ak elèv yo konsènan sa ki ka sanble tankou yon jwèt men ki fini an trajedi. Mwen vle remèsyen Gouvènè Hochul, Majistra Adams ak patnè ajans Vil nou yo pou soutyen solid yo pou konsyantize sou danje sa pou nou ka evite pèdi plis lavi jèn nan fason ki pa fè sans."

Prezidan Transpò an Komen Vil New York (New York City Transit, NYCD) Ia, Richard Davey, te deklare, "Objektif kanpay sa se pou raple manm publik la, espesyalman jèn moun yo, ke lè w monte anlè metwo yo, sa enpridan, estipid, epi danjere, sa mennen souvan nan trajedi pou moun ki enplike yo ak pwòch yo. Pa gen dout ke travay MTA, Gouvènè Hochul, Majistra Adams, ak elèv sa yo ap sove lavi."

Ofisyen Anchèf Sekirite MTA a, Patrick Warren te deklare, "Lè nou fè patenarya ak konpayi rezo sosyo yo pou bloke videoyo moun ki monte deyò tren yo pou yo pa pibliye yo, sa enpòtan anpil pou anpeche navigasyon nan metwo. Nou vle pou jèn moun yo jwenn mesaj ke kèk like sou rezo sosyo pa vo pou pèdi lavi ou."

Rektè Depatman Edikasyon Vil New York Ia, David C. Banks, te deklare, "Yon videoyo viral pa vo lavi ou. Kanpay sa ki dirije pa elèv nan High School of Art and Design (Lekòl Segondè Atistik ak Desen), fèt vreman pa elèv yo, pou elèv yo, epi mwen fyè ke tout travay ak defans ke jèn moun nou yo te fè. Navige nan metwo yo sa touye moun, epi twòp nan jèn elèv briyan nou yo te mouri akoz tandans sa. Jodi a, epi chak jou, m ap ankouraje chak timoun pou monte andedan epi rete an vi."

Komisè NYPD Edward A. Caban te deklare, "Mesaj nou pou jèn Vil New York yo klè: Toujou monte andedan tren an. Glisad nan tren danjere, li ilegal, epi li ka fatal. NYPD ap kontinye fè tout sa li kapab pou nou ka kanpe konpòtman enpridan sa — men sa kòmanse ak bon jan desizyon. Alò se pou nou entelijan, epi toujou monte andedan tren an."

Komisè Depatman Jèn ak Developman Kominotè a, Keith Howard te deklare, "Mesaj ijan kanpay sa klè—li irresponsab, danjere, epi li ka mòtèl pou navige nan tren. Lavi fèt pou selebre, men pa anlè yon tren. Jèn moun yo dwe konsidere risk yo seryezman, ak doulè ak soufrans pwòch yo ki rete pou pran swen yo oswa nan chagren. N ap mande publik la pou rejwenn Majistra a ak patnè nou yo pou sove lavi lè yo rapòte navigasyon nan tren, epi ankouraje kamarad yo pou fè konvèrsasyon ki difisil men ki pou konvenk zanmi yo pou pa angaje nan konpòtman iresponsa."

Done MTA yo montre ke moun ki monte deyò tren yo nan fason ki danjere sa fèt souvan nan apre midi pandan mwa ki pi cho yo pandan lekòl la ankou ki endike ke sa te vin tounen esansyèlman yon fòm aktivite apre lekòl ki danjere. Pou prevni yon ogmantasyon ensidan yo nan mwa septamm nan kòmansman nouvèl ane lekòl la, Gouvènè Hochul, Majistra Adams, MTA ak patnè Vil yo te lanse jodi a yon kanpay nan plizyè nivo, "Nagine sou metwo, sa touye moun - rete andedan, rete an vi (Subway Surfing Kills - Ride Inside, Stay Alive)," sou plizyè platfòm komunikasyon, ki enkli anons sèvis piblik nan estasyon yo ke elèv anrejistre; siyalizasyon dijital atravè estasyon yo; grafik ak animasyon ke elèv yo kreye; postè ak afich nan estasyon yo epi ki distribye nan lekòl yo; kat fizik ki distribye nan lekòl ak nan estasyon yo; atik lekòl ki enkli ajennda, plim ak kreyon, kaye nòt ak otokolan; piblikasyon sou rezo sosyo atravè platfòm yo ki enkli TikTok, Instagram ak YouTube sou fòm piblikasyon, band / anons ak kolaborasyon enflyiansè; distribisyon nouvo Kat Metwo pou elèv ki akonpaye pa yon mesaj "Monte andedan, rete anvi", ak mesaj kont navigasyon sou metwo nan do Kat Metwo ki pou vann nan machin ki vann Kat Metwo nan estasyon yo.

MTA te fè patenarya ak Lekòl Piblik Vil NY yo ak DYCD pou idantifye elèv nan lekòl atravè vil la ki te kreye nouveau kanpay la. Elèv ki soti nan High School of Art & Design nan Manhattan te kreye grafik, animasyon ak desen ke y ap afiche nan tout sistèm metwo a ak sou rezo sosyo.

Yon gwoup elèv lekòl elemantè ak lekòl segondè ki soti nan pwogram ete Academy of American Studies nan Queens, High School of Art and Design nan Manhattan, I.S. 318 in Brooklyn, ak DYCD te ale nan syèj sosyal MTA a mwa pase a pou anrejistre anons ki eksplike danje pou monte deyò tren yo. Yo pral pase uit anons ki anrejistre alafwa an anglè ak espagnòl nan tout sistèm transpò an komen an apati semèn sa.

Akoz adolesan yo souvan pibliye videoyo tèt yo k ap navege sou rezo sosyo, MTA te mande konpayi rezo sosyo tankou Meta, Google ak TikTok pou diminye aksè nan videoyo sa yo. Depi sezon prentan pase a, konpayi rezo sosyo yo te retire plis pase 3,000 videoyo ak foto ki montre navigasyon sou tren. Konpayi sa yo ap mete espas disponib sou platfòm yo tou pou ede distribye nouvo kanpay mesaj la.

MTA kontinye rankontre ak administratè yo pou asire ke elèv yo ap aprann konsènan danje pou monte deyò tren yo nan lekòl yo. NYPD genyen ofisyè ki deplwaye tou nan estasyon kote yo rekonèt ke navigasyon sou tren yo fèt yo epi yo fè vizit adomisil ak jèn ke yo konnen ki patisipe nan navigasyon sou tren.

An 2023, te gen senk ka lanmò akoz navigasyon sou tren ke yo sispèk, pa rapò ak senk ka lanmò total ant 2018 ak 2022. MTA te dokimante plis pase 450 ka moun ki monte deyò tren ant janvye ak jwen nan ane 2023.

Manm konsèy Julie Won te deklare, "An 2023, kat jèn moun te mouri nan fason trajik nan navege sou tren, ki enkli yon adolesan ki te monte sou tren 7 ki eleve a nan Rawson Street nan distri mwen an. Antanke yon manman, mwen soutni lansman Kanpay 'Monte

andedan, rete anvi' sa pou edike kominote nou an epi mete yon estòp nan tandans danjere sa. Nan mwa me pase a, ofisyèl nou an te ekri yon lèt pou MTA ak NYCT to pran mezi imedyat pou anpeche navigasyon sou tren, tankou fèmen pòt tren yo akle. Lanmò yon timoun, twòp déjà — nou dwe fè plis pou pwoteje timoun nou yo epi prevni ensidan navigasyon nan metwo alavni yo.”

Julie Samuels, Prezidan ak Direktris Egzekitif Tech:NYC, te deklare, "Teknoloji modèn nan te chanje fason Nouyòkè yo viv epi entèraji ak vil ki antoure nou an, ki amelyore lavi nou nan anpil fason men ki prezante defi ki enprevi pa moman. Nou ankouraje pou wè konpayi teknoloji yo ap travay deprè ak gouvènman vil ak eta yo pou abòde defi sa yo, epi nou bat bravo pou sila yo ki te reyini ansanm pou kanpe tandans navigasyon sou metwo danjere a. Kominote teknoloji a fyè pou travay ak lidè vil ak ofisyèl sekirite publik yo pou ede kenbe Nouyòkè yo an sekirite."

Elèv High School of Art and Design, Milana Blokhina te deklare, “Nou te pran anchaj kanpay sa pandan vakans ete nou, paske nou konprann ijans reprezentasyon ki devan nou an. Antanke jèn adilt, nou te santi nou trè touche pa trajedi ki te rive nan aksidan navigasyon sou metwo pamì jèn yo. Nou ka desine apati de vizyon nou sou odyans ki vize a paske nou fè pati de li natirèlman. Menm si nou sove yon lavi, nou fè yon diferans.”

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418